

Broj: 05-02-4-1160/23-2
Sarajevo, 27.09.2023. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
n/r sekretar

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 05-10-2023			
Org. jed.	Broj	Priloga	Vrijednost
05/2	-02-	288	/23

PREDMET: Odgovor u vezi sa Delegatskim pitanjem i inicijativom Sanele Klarić
Veza, Vaš akt broj: 05/2-02-288/23 od 05.09.2023. godine

Dana 07.09.2023. godine ovo federalno ministarstvo zaprimilo je akt Doma Naroda Parlamenta Federacije BiH, kojim je dostavljeno delegatsko pitanje i pokrenuta inicijativa Sanele Klarić, delegatkinje u Domu naroda Parlamenta Federacije Bosne i Hercegovine, a kojima se traži vraćanje u prvobitno stanje izvedenih građevinskih radova na koritu rijeke Sanice, te se traži od ovog federalnog ministarstva da izmijeni Uredbu o određivanju zahvata u prostoru i građevina za koje Federalno ministarstvo prostornog uređenja izdaje urbanističku saglasnost i/ili lokacijsku informaciju, kakva je bila prije prošle godine kada je izmijenjena.

Kao što Vam je poznato, rješenjem ovog federalnog ministarstva, broj: UPII/05-19-7-37/21 od 22.12.2021. godine oglašena su ništavim Rješenja Općine Ključ, Općinski načelnik, Služba za prostorno uređenje, stambeno-komunalne poslove, imovinsko-pravne i geodetske poslove, broj: 03-19-1-383/21 od 09.08.2021. godine i broj: 03-19-2-800/21 od 28.09.2021. godine.

Rješenjem Federalne uprave za inspekcijske poslove broj: UPI-10-19-2-00058/2022-1000-3 od 24.1.2022. godine naloženo je Agenciji za vodno područje rijeke Save u Sarajevu da pribavi urbanističku saglasnost za regulacijsku i zaštitnu vodnu građevinu-Regulacija korita rijeke Sanice na dionici Vrilo ušće Korčаницe, od strane Federalnog ministarstva prostornog uređenja, protiv kojeg rješenja je žalbu izjavila Agencija za vodno područje rijeke Save.

Rješenjem ovog federalnog ministarstva, broj: UPII/05-19-7-37/21 od 07.03.2022. godine poništeno je rješenje Federalne uprave za inspekcijske poslove, broj: UPI-10-19-2-00058/2022-1000-3 od 24.1.2022. godine i predmet vraćen prvostepenom organu na ponovni postupak, sa naznakom da nadležna inspekcija nije izrekla odgovarajuću mjeru u skladu sa odredbama materijalnog prava.

Također, presudom Kantonalnog suda u Bihaću. Broj: 01 0 U 017775 22 U od 01.06.2022. godine odbijena je tužba tužitelja Općina Ključ, zastupana po općinskom pravobraniocu, protiv tuženog ovog federalnog ministarstva, radi poništenja akta broj: UPII/05-19-7-37/21 od 22.12.2021. godine. U navedenoj presudi se, između ostaloga, navodi da izmjena Uredbe od 29.04.2022. godine nema utjecaja na zakonitost pobijanog rješenja s obzirom da ista stupa na snagu danom objavljivanja, dakle 29.04.2022. godine, a ista nije bila na snazi u vrijeme donošenja pobijanog rješenja, i

ne može utjecati na zakonitost istog zbog čega pobijano rješenje ostaje na pravnoj snazi.

Slijedom navedenoga, ovo federalno ministarstvo ističe da je u dosadašnjem postupku izvršilo sve što je bilo u njegovoj nadležnosti, a da su sva daljnja postupanja u smislu nadzora, kao i izricanja mjera u konkretnom predmetu, u nadležnosti inspekcijskih organa.

U dijelu koji se odnosi na inicijativu da se izmijeni Uredba o određivanju zahvata u prostoru i građevina za koje Federalno ministarstvo prostornog uređenja izdaje urbanističku saglasnost i/ili lokacijsku informaciju, navodimo da je ovo federalno ministarstvo predmetnu Uredbu izmijenilo na inicijativu Agencije za vodno područje rijeke Sava, a sve u cilju efikasnijeg, bržeg i učinkovitijeg djelovanja kantonalnih organa u cilju ishodavanja akata o građenju, kao i zbog nedovoljne kapacitiranosti ovog federalnog ministarstva.

Ovo federalno ministarstvo ni u kom slučaju ne zagovara nelegalnu gradnju i uništavanje prirodnih resursa, ali smatramo da će kantoni i općine na kvalitetniji način raspolagati prirodnim resursima, voditi maksimalnu brigu o očuvanju istih, te moći blagovremeno opažati i utvrditi eventualne zloupotrebe nad istim.



Dostaviti:

1. Naslovu
2. A/a